

ՀԱՂՈՐԴՈՒՄՆԵՐ

ԱՐՑԱԽԵԱՆ ՀԱՍԱՐԱԿՈՒԹԻՒՆԸ ՃԳՆԱԺԱՄԻ ՊԱՅՄԱՆՆԵՐՈՒՄ (փախստականների եւ տեղահանուած անձանց խոցելի խմբերի օրինակով)¹

ԷԼԻՆԱ ՄԽԻԹԱՐԵԱՆ

mkhitaryan.elina.m@gmail.com

ՆԵՐԱԾՈՒԹԻՒՆ

Իւրաքանչիւր հասարակութեան պատմական բախտը այնպէս է դասա-
տրում, որ նրա համեմատաբար բարօրութեան ժամանակաշրջանը եւ
ճգնաժամի՝ աղէտի ժամանակաշրջանն անընդհատ փոխարինում են միմ-
եանց: Ինչ-որ մի ժամանակահատուածում հասարակութիւնը վայելում է
խաղաղութիւնը, բարգաաճումը եւ ակնյայտ աղէտների բացակայութիւնը:
Հասարակութեան կեանքի այլ ժամանակահատուածը մթագնում է աղէտ-
ներով, որոնք առանձին կամ բոլորը միասին թափում են նրա վրայ եւ ա-
ւերում նրա նախկին բարօրութիւնը²:

Մարդկային ցեղի վրայ ազդող բազմաթիւ եւ տարբեր վտանգներից
չորս ամենակործանարարն ու քայքայիչն են պատերազմը, յեղափոխութիւ-
նը/քաղաքացիական ներքին զինեալ խռովութիւնները, սովն ու համաճա-
րակը: Այս չորս իրադարձութիւնները ազդում են հասարակութեան մտքի եւ
վարքի, ընկերային կառուցուածքի եւ մշակութային կեանքի վրայ: Հասա-
րակութեան պատմական ճանապարհի իւրաքանչիւր բարօրութեան եւ
մթագնման հանգրուանի տետղութիւնը տարբեր է: Ազգային տեսլական ու-
նեցող հասարակութիւնները խաղաղ ժամանակն օգտագործում են պետա-
կան հիմնարկների կառուցման, մշակութային արժէքների արարման, զէն-
քի եւ սննդի պաշարի կուտակման, ինքնաբուժման, ժողովրդագրական
ցուցանիշների բարելաւման, ընդհանրապէս թոյլեցնելու աճի ու ինքնազար-
գացման համար. դրանք բարձրացնում են տուեալ հասարակութեան դի-
մադրողականութիւնը, տոկունութիւնը՝ աղէտների ժամանակ ֆիզիքական
ու հոգեկան գոյաբանական խնդիրները յաղթահարելու համար:

Հայ հասարակութիւնը իր պատմական ճանապարհին բազմաթիւ ան-
գամներ է անցել «համեմատական» բարօրութիւն-աղէտ այս հերթափոխով:

¹ **Ծ.հ.** - Այս տեղեկագիր-հաղորդումը խմբագրութիւնս ստացաւ Յուլիս 30, 2023ին:
Հետեալբար, անոր տուեալները կ'արտացոլեն մինչեւ այդ թուականին պաշար-
եալ Արցախի ընկերատնտեսական ու առողջաբանական կարգ մը երեսակներ:

² Pitirim A. Sorokin, *Man and Society Calamity*, Greenwood Press, Publishers, NY,
1968, էջ 17:

Վերջին տարիներում, Արցախի խնդրով հայ հասարակությունը մտել է աղէտի ժամանակաշրջան՝ դրան նախորդող խաղաղ ժամանակաշրջանը բաարար չօգտագործած արհաւիրքներին ու ճգնաժամին դիմակայելու հետեանքով:

ԽՈՅԵԼԻ ԽՄԲԵՐԸ (ՓԱԽՍՏԱԿԱՆՆԵՐ, ՏԵՂԱՀԱՆՈՒԱԾ ԱՆՁԻՆՔ) ԾԳՆԱԺԱՄԱՅԻՆ ԻՐԱՎԻՃԱԿՆԵՐՈՒՄ

Պատմական դէպքերի յաջորդականութեանն անդրադառնալուց զատ, պէտք է յատուկ ուշադրութիւն դարձնել վերոյիշեալ իրադարձութիւնների՝ հասարակութեան տարբեր խմբերի վրայ ունեցած տարաբնոյթ ազդեցութեան: Աղէտի ազդեցութիւնն այս կամ այն անհատի եւ խմբի վրայ իրականում միօրինակ չի, ընդհակառակը՝ քանի որ անհատներն ու խմբերը տարբերում են միմեանցից թէ՛ կենսաբանական, թէ՛ ընկերահոգեբանական առումներով: Սա շատ նման է միեւնոյն հիւանդութեամբ տառապող երկու տարբեր անձանց դիմադրական համակարգի հակազդեցութեան, ինչը կարող է կախուած լինել նաեւ անձի տագնապայնութիւնից, դիմադրողականութեան աստիճանից, հոգեցնցումներից, տոկոսնութիւնից եւն.: Տրամաբանութիւնը նոյնն է հասարակութեան առանձին խմբերի պարագայում:

Այստեղ քննութեան ենք առել արցախեան հասարակութեան խոցելի խմբերից փախստականներին եւ տեղահանուած անձանց արծագանգը աղէտներին:

Հակիրճ բնութագրենք այս երկու խմբերին՝ փախստականներին եւ տեղահանուած անձանց, հասկանալու համար նրանց տարբերութիւնը: 1951ի «Փախստականների մասին» Ժընեւեան համագումարը եւ 1967ի Արձանագրութիւնը սահմանում են փախստականին որպէս «անձ, ով չի կարող կամ չի ցանկանում վերադառնալ իր ծագման երկիր՝ ցեղային, կրօնական, ազգային պատկանելութեան, որոշակի ընկերային խմբի անդամակցութեան կամ քաղաքական կարծիքի պատճառով հետապնդուելու հիմնաւոր վախի պատճառով»³: Եթէ առաւել պարզ ասենք՝ փախստականները այն մարդիկ են, ովքեր փախել են պատերազմից, բռնութիւնից, հակամարտութիւններից կամ հալածանքներից եւ հատել են միջազգային սահմանը: Նրանք այլ երկրում ապահովութիւն գտնելու համար հատում են միջազգային, միջպետական սահմանները եւ ունեն ՄԱԿի ու նրա յատուկ կառոյցների՝ իրաական ամրագրուած պաշտպանութեան երաշխիքներ: Արցախում փախստականներ են ճանաչում 1988-92ին Ադրբեյջանի ցեղասպան եւ ազգային խտրական քաղաքականութեան պատճառով բնակութիւնը լքած հայերը, որոնցից 30,000ը ապաստան են գտել Արցախում:

³ 1951 Convention and the Protocol relating to the status of refugees. The UN Refugee Agency (UNHCR), <https://www.unhcr.org/3b66c2aa10> :

«Ներքին տեղահանումը անձինք (ՆՏԱ) են համարում այն մարդիկ կամ մարդկանց այն խմբերը, որոնց ստիպել կամ հարկադրել են թողնել կամ լքել իրենց տները կամ սովորական բնակության վայրերը, մասնատրապէս ռազմական հակամարտության հետեւանքով կամ դրանցից խուսափելու պատճառով, բռնության համատարած դրսեւորումների, մարդու իրաւունքների խախտումների, տարերային կամ մարդու գործունէութեան հետեւանքով առաջացած աղէտների հետեւանքով, եւ որոնք չեն հատել միջազգայնօրէն ճանաչուած պետական սահմանները»⁴: 1992ին Ադրբեջանի կողմից Արցախի եւ ՀՀ դէմ սանձագերծուած առաջին պատերազմի պատճառով նախկին Լեռնային Ղարաբաղի ինքնավար մարզի, Շահումեանի շրջանի, Հիւսիսային Արցախի եւ ՀՀ շուրջ 161,000 մարդ յայտնուեց ներքին տեղահանուած անձի կարգավիճակում որոնցից իրենց բնակավայրեր չկարողացան վերադառնալ Շահումեանի շրջանի եւ Հիւսիսային Արցախի աւելի քան 100,000 հայ տեղաբնիկները⁵: Յետագայում նրանց մի մասը մեկնեց ՀՀ եւ այլուր:

Խոցելի այս երկու խմբերի անդամները արցախեան առաջին պատերազմից յետոյ բախուեցին ընկերային, տնտեսական, հոգեբանական, համարկման եւ այլ խնդիրների, որոնք յաղթահարելիս օգնում էր արցախեան առաջին պատերազմում յաղթանակած լինելու փաստը: 2018ի յեղափոխութիւնը ՀՀում իր որոշակի արձագանգն ունեցաւ թէ՛ ՀՀում եւ թէ՛ Արցախում, նաեւ՝ նշուած խոցելի խմբերի շրջանակներում, քանի որ նրանք եւս հաւատացած էին, որ տարիների ընթացքում նրանց չլուծուած խնդիրները, որոնցից առաջնահերթը բնակարանային խնդիրն էր, լուծում կը ստանան. յատկապէս դա ակնյայտ դրսեւորուեց 2020ի ընտրութիւնների ժամանակ:

Յեղափոխութիւն/քաղաքացիական ներքին զինեալ խռովութիւններ

Յեղափոխութիւնն ու քաղաքացիական ներքին զինեալ խռովութիւնները, առաջին հերթին, հասարակութեան անդամների վարքագծի որոշակի փոփոխութիւն են, ապա՝ նաեւ նրանց հոգեկանի ու գաղափարախօսութեան, համոզմունքների, բարոյականութեան փոփոխութիւն: Հենց այս լծակներն էլ օգտագործում են յեղափոխութիւնների թէ՛ ներքին խռովութիւնների ժամանակ, երբ ամբոխավարական կամ այլ միջոցներով օգտագործում են մարդկանց զգացումները ի շահ յաղթանակների կամ անձնական շահերի: Ընկերային խոցելի խաւերն, ինչպիսիք են փախստականները,

⁴ “Guidelines on the Displacement of Persons”, United Nations Office for the Coordination of Humanitarian Affairs,
<https://www.unocha.org/themes/internaldisplacement/resources> :

⁵ Elina Mkhitarian, “The Legal Status of Refugees in Unrecognized States as an Example of the Republic of Nagorno-Karabakh (Artsakh),” In International Conference «Europe and the Neighbouring Countries», October 13-14, 2022, *Cuadernos de Derecho Europeo*, 9:2023, էջ 255:

որը, տեղահանումը անձինք, կուլ են տալիս «խայծը», քանի որ իրենց ճակատագիրը խեղդում են համարում, ընկերային արդարության պակասի զգացողություն ունեն, յուսալով որ տրոտոլ խոստումները կը յարգուեն եւ իրենց ընկերային հրատապ խնդիրները կ'արժանանան համապատասխան լուծումների:

Համաճարակ

Ճգնաժամի յանգեցնող աղէտ է համաճարակը, ուսումնասիրուող ժամանակաշրջանում՝ պսակաձեւ ժահիրը (COVID-19), որ Արցախում բռնկուեց 2020ին⁶ վերջին պատերազմից առաջ եւ շարունակուեց պատերազմի ընթացքում: Համաճարակներն ու լուրջ հիւանդութիւնները փոխում են իրենց «զոհերի» յոյգերն ու զգացմունքները: Այս բոլոր հիւանդութիւնների պատճառած ընդհանուր բնութագիրը տառապանքն է, մահուան վախը, անկարողութեան, տկարութեան զգացումը: Համաճարակը փոխում է հիւանդի յուզական եւ զգացական կեանքը, ինչը պայմանաւորուած է ոչ միայն կենսաբանական բուն հիւանդութեան առանձնայատկութիւններով, այլեւ հիւանդի՝ ընկերային յարաբերութիւններում ընթացող մեծ փոփոխութեամբ, ով յանկարծ յայտնուում է մեկուսացման մէջ գրեթէ բոլոր սիրելիներից, հարազատներից, յաճախ նոյնիսկ իր ընտանիքի անդամներից: Վերլիշենք COVID-19ի ժամանակ բժշկական ցուցումները՝ «Մնացէք տանը, ինքնամեկուսացէք եւ հետեւէք ձեր ախտանշանների զարգացմանը»⁷: Հիւանդը մի տեսակ ընկերային դատարկութեան մէջ է ընկնում. մարդիկ, ում հետ հիւանդը կապուած է եղել բարեկամութեան եւ սիրոյ կապերով, աշխատանքով եւ ընդհանուր շահերով, այժմ փորձում են խուսափել նրանից: Ինք եւս – մեկնելով պատասխանատուութեան գիտակցութիւնից – խուսափում է շփուել իր միջավայրի հետ: Իսկ երբ այս ամէնը արտացոլում է փախստականի կամ պատերազմի ժամանակ տարհանումը եւ տեղահանումը անձի վրայ, կարելի է պատկերացնել մեկուսացման խորը անդունդը, որի մէջ յայտնուում է անձը:

Արցախեան 44օրեայ պատերազմի ընթացքում հին եւ նոր ՆՏ անձինք յայտնուեցին բացարձակ նոր պայմաններում, թէկուզ եւ նոյն ազգութեան մարդկանց շրջապատում, երբ անհրաժեշտ է շփուել, կիսուել սեփական վշտով ու կորստի ցաւով, բայց պարտադրում է մեկուսացում. տեղահանումը անձը զրկում է հասարակ ապրումակցման հնարաւորութիւնից⁸: Փա-

⁶ «Արցախում կորոնավիրուս է գրանցուել եւս 3 քաղաքացու մօտ. ընդհանուր դէպքերի թիւը 57 է. 11:11, 03.06.2020»,

<https://www.artsakhpress.am/arm/news/127153/arcakhum-koronavirus-e-grancvel-eps-3-qaxaqacu-mot-yndhanur-depgeri-tivy-57-e.html> մատչում՝ 11:11, 03.06.2020:

⁷ World Health Organization, “Advice for the Public: Coronavirus Disease (COVID-19)”, <https://www.who.int/emergencies/diseases/novel-coronavirus-2019/advice-for-public> :

⁸ Նոյն:

խստականների (ՀՀ, Ռուսիա) պարագայում մեկուսացումը կրկնակի կա-
ղապարով է. 1988-92ին խոշոր արդինաբերական քաղաքների ռուսա-
խոս հայ բնակիչները կորցնում են իրենց առօրեայ կեանքն ու ամբողջ ու-
նեցումը, գերեզմանները.. յայտնում են պատերազմական թոհուրոհում,
ապա եւ լեզուական-կենցաղային համարկման երկար գործընթացում: Ա-
հա, 44օրեայ պատերազմից յետոյ իրադարձութիւնների նոյն շրջապատը
կրկնուեց նոր տեղահանումների վրայ: Անձամբ դիտարկել ենք, վերջին
իրադարձութիւնների ընթացքում, թէ ինչպէս՝ անկախ կենսաբանական
գործօններից, միայն այդ ընկերահոգեբանական մէնակութիւնը բաւական
է առաջացնելու խորը փոփոխութիւն փախստականի, տեղահանուած անձի
գորովանքի եւ զգացմունքային կեանքում, ով դարձել է նաեւ համաճարակի
զոհ:

Պատերազմ

Ճգնաժամային հերթական աղէտը պատերազմն է, որին 30 տարուայ
ընթացքում արցախահայութիւնը առերեսուել է 3 անգամ (1992-94, 2016,
2020): Ի սկզբանէ պէտք է տարանջատել ամբողջ բնակչութիւնից այս երկու
խմբերին՝ փախստականներին եւ տեղահանուած անձանց, ովքեր դեռ
1988ից անմիջականօրէն կանգնել էին մահուան վտանգի առաջ՝ յայտնուե-
լով ադրբեջանական ցեղասպանական մեքենայի եռափուլ գործողութիւն-
ների թիրախում⁹: Առերեսուելով թուրք, ազերի եւ վարձկան մարդասպան-
ների վայրագութիւններին՝ նոր փախստականների եւ ՆՏ անձանց հոգե-
բանութեան մէջ կայ վախ՝ որպէս համատարած եւ գերակշռող զգացում:
Լինելով ամենացատու եւ ամենաուժեղ յոյզերից մէկը՝ վախը խորապէս փո-
խում է այս խմբերի զգացական, զգայական կեանքը եւ կործանում, ոչնչաց-
նում է այն: Պատահական չէ, որ փախստականների եզրոյթի իրաւական
ծեւակերպման դրոյթներից մէկը «հիմնատու երկիւղն է»¹⁰: Շատերը ենթադ-
րում են վախին. միաները հակադրում են նրան այնպիսի դիմադրող-հա-
կաւածերի ճնշման ներքոյ, ինչպիսիք են պարտքի զգացումը, քաջութիւնը,
ամօթը...: Բայց նոյնիսկ նրանք յայտնում են վախի մուրճի եւ հակաւածերի
սալի արանքում: Արցախում ապրող հայ փախստականների եւ ՆՏ անձանց
պարագայում, մուրճի դերում՝ հետապնդման հիմնատու երկիւղն ու մատան
սպառնալիքն է, իսկ սալի դերում՝ երեխաներին փրկելու, կնոջը թուրքի
բռնաբարութիւնից պաշտպանելու պարտքի զգացումը: Այս երկու հակադ-
րութիւններն էլ բռնագաղթած, տեղահանուած հայ տղամարդկանց (եւ ոչ
միայն) նետում են պատերազմի մէջ՝ գործնականում կիրառելու գոյութենա-

⁹ Վահրամ Բալայեան, *Արցախի պարմութիւն*, Ամարաս հրատ., Երեւան, 2002, էջ
357:

¹⁰ <https://www.unhcr.org/ph/wp-content/uploads/sites/28/2017/03/3.1-1951-Convention-relating-to-the-status-of-refugees.pdf> :

կան մղումները, որոնք նման էին 1915ի Վանի ինքնապաշտպանության, 1992ին արցախեան առաջին¹¹ եւ 2020ին 44օրեայ պատերազմներում:

Շրջափակում, պաշարում և Արցախ. չորրորդ աղետը

2018ի յեղափոխութիւն ՀՀում եւ խառնաշփոթ-անկայուն իրավիճակ, 2019-20ի համաճարակ (COVID 19), 2020ի 44օրեայ պատերազմ: Այս երեք իրադարձութիւններից յետոյ Արցախի բնակչութիւնն Ադրբեջանի իշխանութիւնների կողմից մշակուած յստակ բեմագրով մատնւում է շրջափակման եւ դրա հետեանքով՝ սովի:

2020 Նոյեմբերի 10ի եռակողմ յայտարարութեան համաձայն Բերձորի (Լաչինի) միջանցքը (5 կմ լայնութեամբ) ապահովելու է Լեռնային Ղարաբաղի կապը Հայաստանի հետ եւ մնում է Ռուսաստանի Դաշնութեան խաղաղապահ զօրակազմի վերահսկողութեան ներքոյ¹²: Յայտարարութեամբ նախատեսւում էր նաեւ կողմերի միջեւ համաձայնեցմամբ առաջիկայ երեք տարիների ընթացքում սահմանել «Լեռնային Ղարաբաղի եւ Հայաստանի միջեւ կապն ապահովող Լաչինի միջանցքով նոր երթուղու կառուցման ծրագիրը՝ այդ երթուղու պահպանութեան նպատակով ռուսական խաղաղապահ զօրակազմի յետագայ վերատեղակայմամբ»¹³: Նոր երթուղու կառուցման ոչ միայն ծրագիրը, այլեւ հենց ճանապարհը կառուցուեց ու յանձնուեց գերաճապարութեամբ՝ յայտարարութեան ստորագրման 2 տարին չլրացած. սա իհարկէ յուշում էր հակառակորդի օր առաջ Բերձորին տիրանալու եւ դրանից բխող յետագայ քայլերի մասին: Պէտք չէր գուշակ լինել՝ կանխատեսելու Ադրբեջանի յետագայ անելիքը. «Եթէ Օգոստոսի 25ին Բերձորը եւ Աղանոն յանձնուեն Ադրբեջանին, ապա Արցախը կը շրջափակուի...Այդ կեանքի ճանապարհը փակուելու է հենց մեր ձեռքով: Մենք ունենալու ենք զոհեր...»¹⁴:

Ադրբեջանի կողմից Արցախի շրջափակման մտադրութիւնն ու նպատակն ակնյայտ էր, «գործը» մնում էր ձեռաչափի ընտրութեանն ու թատե-

¹¹ Տոկոսային յարաբերակցութեան մէջ արցախեան առաջին պատերազմում զոհուած փախստականների թիւը հաւասար է զոհուած բնիկ արցախցիների թոփն (ԼՂՀ ազգային-ազատագրական պայքար. 1988-2009, փառքի յուշամատեն, կազմ.՝ Գ. Առստամեան, Ստեփանակերտ, 2009):

¹² Заявление Президента Азербайджанской Республики, Премьер-министра Республики Армения у Президента Российской Федерации, пункт 6, 09.11.2020г. (Հայաստանի Հանրապետութեան վարչապետի, Ադրբեջանի Հանրապետութեան նախագահի եւ Ռուսաստանի Դաշնութեան նախագահի յայտարարութիւնը, կէտ 6, 09.11.2020), էջ 1,

https://www.primeminister.am/u_files/file/Haytararutyunner/Haytararutyun-.pdf :

¹³ Նոյն:

¹⁴ Դաֆֆի Յովհաննիսեան, «ՀՀ նախկին ԱԳ նախկին ԱԳ նախարար, ճեպագրոյց», 09.08.2022թ., <https://news.am/arm/news/715441.html> :

րական մշակմանը: 2022 Դեկտեմբերի 12ին, ժամը 10:30ի սահմաններում բնական մորթու վերարկուներով «բնապահպանները» փակեցին Ստեփանակերտից Երեւան տանող միակ մայրուղին Շուշիի հատումում՝ իբր պահանջելով դադարեցնել Արցախի Մարտակերտի շրջանում այդ պահին գործող միակ հանքի շահագործումը: Սա այն դեպքում, երբ ամբողջութեամբ Ալիեւների վերահսկողութեան տակ գտնուող եւ մինչ օրս գործող Ադրբեջանի Դաշքեսանի եւ Գեղարբէկի հանքարդիւնաբերութիւնը բանում է անխափան եւ որեւէ «բնապահպան» չի բողոքել դրա դէմ: Կրկնենք, որ Գորիս-Ստեփանակերտ մայրուղին 2020 Նոյեմբերի 9ի Եռակողմ յայտարարութեան համաձայն, անցնում է Բերձորի (Լաչինի) միջանցքով՝ կապելով Արցախը (Լեռնային Ղարաբաղ) Հայաստանի եւ արտաքին աշխարհի հետ: Հարկ է նշել նաեւ, որ բնապահպան ներկայացող անձինք բազմաթիւ ապացուցում փաստերով սերտօրէն փոխկապակցում էին ադրբեջանական իշխանութիւնների հետ կամ էլ հանդիսանում ադրբեջանական յատուկ ծառայութիւնների գործող կամ նախկին աշխատակիցներ¹⁵: «Բնութեան համար պայքարի» իրական պատճառն անթաքույց եւ բացայայտ ներկայացւում է ադրբեջանական հանրային խօսափողերով. ադրբեջանցի քաղաքագէտ Շուքաթ Ահմեդզադէն թուիթթրի իր էջում հենց Դեկտեմբերի 12ին գրառում կատարեց. «Միամտութիւն կը լինի կարծել, որ այն ինչ տեղի է ունեցել, պայմանաւորուած է բնապահպանական «մտահոգութիւններով»: Օգտուելով Ուկրայնայում մարտավարական լուրջ պարտութիւններ կրած Ռուսաստանի իրավիճակից՝ Ադրբեջանը փորձում է փոխգիշումներ կորզել՝ ամէն օր բարձրացնելով "խաղաղորդը"»¹⁶:

2023 Ապրիլի 23ին Ադրբեջանը յայտարարում է Գորիս-Ստեփանակերտ ճանապարհին՝ Հակարի գետի կամրջի վրայ ադրբեջանական անօրինական հսկիչ անցագրային կէտ տեղադրելու մասին: Ապրիլի 28ին, երբ Ադրբեջանն աւարտում է հսկիչ անցագրային կէտի կառուցումն ու կահաւորումը, ադրբեջանական այսպէս կոչուած «բնապահպան գործիչները» յայտարարեցին, որ հեռանում են ճանապարհի արգելափակուած հատումից, իսկ նրանց փոխարինելու են գալիս ադրբեջանական ոստիկանութեան եւ այլ ծառայութիւնների ներկայացուցիչներ: Այս զարգացումների հետեանքով 2023 Ապրիլի 23ից փաստացի Ադրբեջանի կողմից պետական ծառայութիւնների ներգրաւմամբ արգելափակուած է Գորիս-Ստեփանակերտ

¹⁵ “The Azerbaijani Government’s ‘Eco-activist’ Agents who Blockaded the Only Road of Life Connecting Artsakh to Armenia and the Outside World”, Center for Law and Justice “Tatoyan” Foundation, Human Rights Ombudsman of Artsakh, https://tatoyanfoundation.org/wpcontent/uploads/2023/02/ECO_ACTIVISTS_22.02.2023V2.pdf?fbclid=IwAR3CUadchpJxZPX51cozPuZyGoVEaPIJeNnIdRbZDigq1h0JQgs8spUNaL4 :

¹⁶ Shujaat Ahmazada, @S_Ahmazada, 2:28 PM, 12 dec. 2022, https://twitter.com/S_Ahmazada/status/1602248931769044992 :

ճանապարհը երկու հատուածում՝ Շուշիի հարեանութեամբ եւ Հակարի կամրջի մօտ: Ադրբեջանի կողմից անօրինական անցակէտի տեղադրման հետեանքով կրկնակի շրջափակման մէջ են յայտնուել Արցախի Հանրապետութեան Շուշիի շրջանի Եղցահող, Հին շէն, Մեծ շէն եւ Լիսագոր համայնքները:

ՆԵՐԿԱՅ ԿԱՅՈՒԹԻՒՆԸ

Դեկտեմբեր 2022ից, ութ ամիս շարունակ Ադրբեջանի կողմից ֆիզիքապէս խոչընդոտում է Արցախի միակ կեանքի ճանապարհի գործունէութիւնը, Արցախի 120,000 բնակչութիւնը, ներառեալ անելի քան 30,000 երեխաներ, թողնուել են լիակատար մեկուսացման մէջ՝ յանգեցնելով մարդու անհատական եւ հաաքական իրաւունքների զանգուածային խախտումների, ինչպէս նաեւ գոյութենական եւ անվտանգութեան բազմակողմ սպառնալիքների: Ամբողջական շրջափակմանը զուգահեռ Ադրբեջանը միտումնաւոր խաթարում է Արցախի կենսական նշանակութեան ենթակառուցուածքների՝ գազամատակարարման, էլեկտրամատակարարման եւ կապի ու հաղորդակցութեան բնականոն աշխատանքը՝ նպատակ ունենալով սրել ծանր մարդասիրական ճգնաժամը¹⁷: Այնինչ, հենց Եռակողմ յայտարարութեամբ *«Ադրբեջանի Հանրապետութիւնը երաշխաւորում է Լաչինի միջանցքով քաղաքացիների, փոխադրամիջոցների եւ բեռների՝ երկու ուղղութիւններով տեղաշարժի անվտանգութիւնը»*¹⁸:

Շրջափակման հետեանքները պատկերացնելու համար ներկայացնենք միջանի վիճակագրական ցուցանիշեր¹⁹:

Մինչ շրջափակումը Ստեփանակերտ-Գորիս մայրուղով երկկողմանիօրէն անցնում էր օրական միջինը 2450 մարդ, սովորական պայմաններում 8 ամսուայ ընթացքում պէտք է մարդկանց տեղաշարժը լինէր շուրջ 595,350 մուտք եւ ելք: Շրջափակման ընթացքում միայն Կարմիր խաչի միջազգային կոմիտէի եւ ռուս խաղաղապահների միջոցով երկկողմանիօրէն տեղափոխուել է ընդամենը 2500 մարդ (բաժանուած ընտանիքների անդամներ եւ հիւանդներ):

¹⁷ Interim Report on the Violations of Human Rights of Artsakh People as A Result of the Deliberate Disruption of Critical Infrastructure in the Midst of The Blockade of Artsakh by Azerbaijan Since December 12, 2022,” Human Rights Ombudsman of Artsakh, January 23, 2023, <https://artsakhombuds.am/en/document/987> :

¹⁸ Տե՛ս՝ Հայաստանի Հանրապետութեան վարչապետի, Ադրբեջանի Հանրապետութեան նախագահի եւ Ռուսաստանի Դաշնութեան նախագահի յայտարարութիւնը, կէտ 6, Չրդ պարբերութիւն, <https://www.primeminister.am/hy/press-release/item/2020/11/10/Announcement/> :

¹⁹ **Ծեւ.**– Հասկնալի է, այս տուեալները կ'արտացոլեն մինչեւ տեղեկագիր-հաղորդումին պատրաստման թուականի իրավիճակի կարգ մը երեսակներ:

Շրջափակման հետեւանքով իրենց տներ չեն կարողացել վերադառնալ ընդհանուր առմամբ շուրջ 3900 անձինք, ներառեալ՝ 570 երեխայ, Արցախում եւ Հայաստանում ժամանակատրապէս աշխատող անձինք, ՀՀում սովորող ուսանողները²⁰:

Շրջափակման 8 ամիսների ընթացքում մահուան եւ հիւանդութիւնների դէպքերի աճ է գրանցուել: Այսպէս՝ ընդհանուր մահացութիւնների շարքում. արեւան շրջանառութեան համակարգի հիւանդութիւններից արձանագրուել է մահացութեան աճ՝ աւելի քան 2 անգամ, ներառեալ՝ սուր եւ քրոնիկ սրտային անբաարարութիւնից մահերի աճ՝ 66%ով, սրտամկանի սուր կաթուածից՝ 20,8%ով, ուղեղի կաթուածից՝ 8,8%ով, չարորակ նորագոյացութիւններից մահերի քանակը աճել է 15,9%ով: Արձանագրուել է նաեւ գլխուղեղի արեւան շրջանառութեան սուր խանգարման (ուղեղի կաթուած) եւ սրտամկանի սուր կաթուածի նոր դէպքերի աճ՝ համապատասխանաբար 26%ով եւ 9,7%ով, չարորակ նորագոյացութիւնների նոր յայտնաբերուած դէպքերի աճ՝ 24,3%ով, բժիշկների հսկողութեան տակ գտնուող յղի կանանց շրջանում սակաւարինութեան մակարդակը հասել է մօտ 90%ի՝ պայմանաւորուած ոչ լիարժէք սննդով եւ համապատասխան դեղամիջոցների սղութեամբ կամ բացակայութեամբ²¹: Վերարտադրողական առողջութեան խնդիրներ ունեցող քաղաքացիները, որպէս կանոն, համապատասխան բուժօգնութիւն ստանում էին ՀՀ բուժաստատութիւններում, իսկ այժմ շուրջ 215 զոյգեր գրկուած են համապատասխան բուժօգնութիւնից, այսինքն՝ առնուազն 200 հայ չճնուեց: Նշուած ցուցանիշերի աճը պայմանաւորուած է Արցախի շրջափակման, ապա եւ լիակատար պաշարման հետեւանքով առաջացած առողջապահական լրջագոյն խնդիրներով՝ դեղորայքի ու բժշկական պարագաների սղութեամբ կամ բացակայութեամբ, բնակչութեան թերսնմամբ, հոգեպրկումներով, ծրագրային վիրահատութիւնների ու հետազօտութիւնների դադարեցմամբ, ՀՀում եւ արտերկրում բուժօգնութիւն ստանալու հնարաւորութիւնների խիստ սահմանափակմամբ:

Արցախ, մինչեւ շրջափակումը, մարդկանց կենսական կարիքների բաարարման համար ներկրում էր օրական շուրջ 400 տոննա ապրանք. 8 ամսուայ ընթացքում պէտք է ներկրուէր շուրջ 100,000 տոննա ապրանք, բայց Կարմիր խաչի եւ ռուս խաղաղապահ առաքելութեան միջոցով ցարդ Արցախ է ներկրուել 5574 տոննա սնունդ ու դեղորայք: Նշենք, որ Յունիսի 15ից Ադրբեջանն արգելել է ռուս խաղաղապահների ցամաքային տեղա-

²⁰ «Ձեկոյց Ադրբեջանի կողմից Արցախի (Լեռնային Ղարաբաղի) շրջափակման հետեւանքով մարդու անհատական եւ հաւաքական իրաւունքների խախտումների մասին. վեց ամիս» (artsakhombuds.am), 12 Յունիս 2023:

²¹ «Արցախի Հանրապետութեան առողջապահութեան նախարարութեան ցուցանիշները շրջափակման ժամանակաշրջանում», https://m.facebook.com/story.php?story_fbid=676048751227729&id=100064678300433&mibextid=qC1gEa :

շարժը, ինչը յանգեցրել է խաղաղապահների կողմից Արցախի բնակչության համար մարդասիրական բեռների առանց այդ էլ սահմանափակ ծառայների, Կարմիր խաչի միջազգային կոմիտեի կողմից ներկրոտղ ալիւրի ու դեղորայքի ներմուծման դադարեցմանը:

Պարենային անվտանգության մակարդակը կտրուկ նուազել է 2020ին գիտատնտեսական բերրի հողերի գերակշիռ մասը Ադրբեջանի կողմից բռնագալութելու հետեանքով: Այդ պատճառով շրջափակումից առաջ Արցախում վաճառուող սննդի շուրջ 90%ը ստիպուած ներկրում էր ՀՀից եւ այլ երկրներից, ինչի պատճառով էլ շրջափակումը մեծապէս ազդել է մատակարարուող սննդի քանակի ու բազմազանութեան վրայ: Միջազգային իրաւունքի տեսանկիւնից շրջափակման հետեանքով բացարձակ խնդրի են վերածուել ՄԱԿի կողմից առանձնացուած՝ պարենի իրաւունքի բոլոր չորս բաղադրատարրերը՝ հասանելիութիւն, մատչելիութիւն, համապատասխանելիութիւն եւ կայունութիւն²²: Հաշուի առնելով սննդամթերքի սղութիւնը եւ եղած պետական պաշարները համաչափ բաշխելու անհրաժեշտութիւնը՝ Արցախում 2023 Յունուարի 20ից մտցուել է կտրօնային համակարգ, որի շրջանակներում սահմանափակ ծառայով վաճառում էր տասը ապրանքատեսակ՝ մակարոնեղէն, հնդկաճաար, բրինձ, շաքարաւազ, ձէթ, միրգ, բանջարեղէն, ձու, ոչ-պարենային՝ լուացքի փոշի եւ հեղուկ վառելիք: Սակայն Յունիսի 15ից յետոյ, երբ Ադրբեջանը բացարձակ արգելափակեց ռուս խաղաղապահների եւ Կարմիր խաչի հետ մարդասիրական բեռների (սնունդ եւ դեղորայք) ներմուծումը, իրավիճակը կտրուկ եւ անդառնալի վատթարացաւ, վաճառակէտերում սպառուեցին սննդի, առողջաբանական պարագաների պաշարները, հնարաւոր է գնել միայն Արցախում աճեցուած սահմանափակ քանակի բանջարեղէնը՝ հիմնականում գետնախնձոր²³ եւ լոբի: Ներկրուած ալիւրի ամբողջական սպառման հետեանքով արցախցիները սկսել են սպառել նոր հնձուող ցորենից ալիւրը, որի շատ քիչ քանակութիւնը քաղաքային բնակավայրերում մեծ հերթերի պատճառ է դառնում. մարդիկ ամբողջ գիշեր հերթում են անցկացնում, երբեմն էլ ձեռնունայն՝ առանց հաց, վերադառնում՝ հոսանքի հովիարային անջատումներով պայմանաւորուած հացի փոքրի աշխատանքի դադարեցման պատճառով²⁴:

²² “The Right to Adequate Food”, Fact Sheet No. 34, էջ 2-3, <https://www.ohchr.org/sites/default/files/Documents/Publications/FactSheet34en.pdf> :

²³ Ի. դարասկզբին գերմանացի ընկերային առողջաբան, Ալֆրէդ Գրոտիանը իր հետազօտութիւններից մէկում նշել է, որ ինչքան սուղ են հասարակութեան, ընտանիքի հնարաւորութիւնները, այնքան սննդակարգում աւելանում է գետնախնձորը:

²⁴ Մեր տուեալները քաղել ենք Արցախի Հանրապետութեան տեղահանուածների եւ փախստականների խնդրով դաշտային հետազօտութեան խմբերից մեզ հասած նորագոյն տեղեկագրերից:

Պարենային ճգնաժամը տանում է դեպի սով... Պէտք է տարբերակել ամբողջական, ֆիզիոլոգիական քաղցը, երբ սպառումս սննդի քանակն ու որակը ցածր է մարմնի կարիքները բաարարելու համար անհրաժեշտ ֆիզիոլոգիական նուազագույնից, եւ մասնակի կամ յարաբերական ընկերահոգեբանական սովը, որը կապում է որոշակի սնունդ ուտելու մեր սովորութիւնների հետ: Այս իրավիճակը արտացոլենք փախստականների եւ տեղահանուած անձանց խմբերին: Եթէ սովորական մարդու կեանքում ընկերահոգեբանական քաղցը ինչ-որ առանձնայատուկ համեղ ուտեստի բուռն ցանկութիւնն է՝ որպէս «ախորժակի» դրսեւորում, ապա փախստականների եւ տեղահանուած անձանց դէպքում այն իրենց հայրենի, այժմ գրաւուած բնակավայրի ուտելիքի, ջրի անյագուրդ քաղցն է, ինչը տեւական ժամանակ խտանալով վերածում է կարօտախտի: Դրա դրսեւորումները հանդիպում ենք ժողովրդական բանահիւսութեան մէջ՝ «*Վէրքիս դեղ ու սպեղանին, Ա'խ, իմ հայրենիքիս ջուրը, Քաղցր ես, քան նոան գինին, Ա'խ, իմ հայրենիքիս ջուրը*»²⁵: Սակայն շրջափակման ընթացքում ընկերահոգեբանական քաղցը վերածում է առաւել դժուար լուծելի կացութեան:

ԵԶՐԱՓԱԿԻՉ ՆԿԱՏԱՌՈՒՄՆԵՐ

Իր վրայ կրելով վերոյիշեալ չորս իրադարձութիւնների ամբողջ ծանրութիւնը՝ արցախահայութիւնը կանգնած է ոչնչացմանն ուղղուած Ադրբեջանի ծրագրուած լայնածաւալ եւ համակարգուած քաղաքականութեան առաջ:

Արցախի շրջափակումը ուղղակի շարունակութիւնն է 2020ին Ադրբեջանի կողմից Թուրքիայի եւ Մերձաւոր Արեւելքից ահաբեկչական կազմակերպութիւնների անմիջական մասնակցութեամբ սանձազերծուած ռազմական յարձակման: Ադրբեջանը հետետղականօրէն վարում է Արցախի ժողովրդի ինքնորոշման իրաւունքն ուժի միջոցով ճնշելու քաղաքականութիւն՝ ուղեկցելով իր գործողութիւններն ուժի կիրառմամբ եւ մարդու իրաւունքների զանգուածային խախտումներով²⁶: Ադրբեջանի կողմից շրջափակումը եւ մարդասիրական մուտքի արգելքը յատկապէս ազդել են ընկերային խոցելի խմբերի վրայ, ինչպիսիք են փախստականները եւ ՆՏ անձինք: 1988-92ին բռնագաղթած եւ Արցախում ապաստանած փախստականների աւելի քան 15%ը հարկադիր տեղահանուել են 2020ի 44օրեայ պատերազմի ժամանակ՝ համալրելով 40,000 տեղահանուածների շարքերը, որոնցից շուրջ 15,000ը շրջափակման մէջ են ապրում Արցախում: Շրջափակման ընթացքում դադարեցուել է հարկադիր վերաբնակների հա-

²⁵ «Հայրենիքիս ջուրը», երգ, խօսք եւ երաժշտութիւն՝ Զիւանի (Սերովբէ (Սերոբ) Ստեփանի Բենկոյեան (Լեւոնեան)), <http://horovel.org/lalayan/horovel.nsf/b6faaed24a719395c12580c50056ed9d/2ac871c8627a6defc1258460007b607c?OpenDocument> :

²⁶ «Արցախի նախագահի հրատապ ուղերձը միջազգային հանրութեան դերակատարներին, 08.08.2023թ.», <http://president.nkr.am/am/news/lawsOrders/5810/> :

մար շուրջ 4000 բնակարանների շինարարությունը, քանի որ արդեն շուրջ 8 ամիս անհրաժեշտ շինանիւթ չի մատակարարում Արցախ:

Այսպիսով, ամփոփելով վերջին շրջանում իրադարձությունների զարգացումները, անթաքոյց է դառնում Ադրբեջանի յստակ ռազմավարությունը՝ կեանքի հետ անհամադրելի պայմանների ստեղծմամբ իրականացնել Արցախի բնիկ ազգաբնակչության էթնիկ զտում՝ «չկան հայեր, չկայ հայկական հարց» արդուլիամիդեան, թալէաթեան քաղաքականության ասանդներով:

**THE CRITICAL CONDITIONS OF THE INDIGENOUS POPULATION OF ARTSAKH
(AN OBSERVATION ON REFUGEE AND INTERNALLY DISPLACED GROUPS)**

(Summary)

ELINA MEKHITARYAN

mkhitaryan.elina.m@gmail.com

The article is a firsthand report on the current humanitarian crisis in Artsakh, which has been under an illegal blockade by the Azeri state for over 240 days, since December 2022.

The author analyses the impact of the four most destructive catastrophes of humankind, namely war, revolution, famine and epidemic, on the native population of Artsakh and concludes that Azeri state policy is not intended to provide safe and secure conditions for the population of Artsakh, which is a requisite of human rights and minority rights. On the contrary, in a blatant violation of the tripartite declaration of November 9, 2020, Azerbaijan intends to carry out ethnic cleansing in the self-proclaimed Republic of Artsakh, a repetition of the old Young Turk anti-Armenian policy of resolving the Armenian Cause: “No Armenians, no cause.”